



03.05.2023

UPA2023/54  
Paneeraq Olsen, Naleraq

**Kalaallit Nunaanni meeqqat pillugit inatsisip Kalaallit Nunaannut atuutilersinnissaanut peqqussutissatut missingiummut aamma meeqqat pilersorneqarnerat il. il. pillugu inatsisip Kalaallit Nunaannut atuutilersinnissaanut peqqussutissatut missingiummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.**  
(Meeqqanut, Inuusuttunut, Ilaqutariinnut Peqqissutsimullu Naalakkersuisoq)

### **Siullermeerneqarnera:**

Ukiaq Inatsisartut ataatsimiinnerani imm. 128-iulluni saqqummiunneqaqqaarmat Naleqqaminngaanniit taperserlugu akuerseqataanikuuvugut. Iluarisimaarlugu nuannaarutigaaarpullu usimaarutigalugulu meeqqat pillugit inatsisip aammalu meeqqat pilersorneqarnerat il.il. pillugit inatsisip nutarterneqarnissaat patajaallisarneqarnissaallu siunertaralugit Naalakkersuisut Inatsisartunut aalajangiiffigisassatut siunnersuuteqarmata.

Naalakkersuisut oqaaseqaamminni oqaatigisaa tassa ”danskiteqarnera” maleruagassaanni peqqussutinngortinneqarnissaannik kissaatigineqartuni aamma timip ipiutaasartaanik uumassusillillu sananeqaataanik passussisarneq pillugu EU-mit inatsisiliornerup akornanni naapertuinermik amigaaqartoqarneranik Isumaginninnermut-, Ineqarnermut- aamma Utoqqarnut ministereqarfimmiit ilisimatitsissuunermik tigusaqarsimanertik pillugu ilassutitut Inatsisartunut saqqummiuteqqimmassuk Naleqqaminngaanniit allannguut akuersaarlugu akuersissutigaaarpullu.

Taamatut naatsumik oqaaseqarlunga Naleqqamiit suliaq allannguutissatut siunnersuutit akuersaarpagut.